

四庫全書

集部

欽定四庫全書

集部

東漢文紀卷二十七

詳校官庶吉士臣陳若霖

主事銜臣徐以坤覆勘

總校官進士臣楊懋珩

校對官中書臣孫球

謄錄監生臣沈方大

欽定四庫全書

東漢文紀卷二十七

明 梅鼎祚 編

楊子欽

廣漢長王君治石路碑

無額

表

惟右部官國之珍寶衝路危險俠石膽岩

闕

道人馬

闕

行為民隆害厯世彊久靡有留心長廣漢王君建和二

車冬任掾楊

闕

攻沿

治字

破壞又從涂口繇平

闕三

井間

道至別鹽得云危龍安功夫九百餘日成就通達永傳
億歲無窮記

弟子楊子欽奉為作

闕二定遠

闕六造

鄭彬

張公神碑

惟和平元年正月

闕二

朝歌長鄭彬造

闕

張公建

闕

良

闕之山運置綦陽刊齧涿摩立左右闕表神道

闕豎碑

廟堂之前到五月

闕二

乃成長

闕二

之銘勒神懿光祕

後昆其辭曰

於穆張公舍和泰清受符皇極乾剛川靈何天之休元

享利貞無

闕二
字

貴神耀洞

闕二
字

度

泉殿商北垆嶽朝

綦陽厥土敞平芝草茂木瀟瀟滋榮羣萌勲矣激川通

闕三
字懷

闕八
字廟克儉損盈詔命有司祭以中牲歲聿再

慶公其饗零興來億載歷數萬君

闕七
字

太

闕顯猶昭拂

英勲

闕

錫介福惠此吏民國無灾寇屢獲豐年皇帝眉

壽千祿于天牧守皆升握台輔辰長與丞尉超遷相因

休

關

烈烈無

字

關三

臨犁陽營謁者李君畏敬公靈好鄭

長文徹奉佐工悃愍勤

關

吏

字

關三

熹且惶作歌九章

達李君

關

頌公德芳其辭曰

綦水湯湯揚清波東

䟽

關

折

關

于河

字

關五

朝歌縣以絜

靜無穢瑕公

關

守相駕蜚魚往來愍忽遂熹娛祐此北

民寧厥居

刊

出自綦

關四

松栢鬱茂蘭公

字

關二

神往來

乘浮雲種德收福惠斯民家饒戶富無

關

貧量畧家靜

和睦

字

關二

朝歌蕩陰及犁陽三女所處各殊方三門鼎

列推其卿時攜甥甥歸候公夫人

闕三字

容闕五字饗

闕觴

穆風屑兮起壇旁樂吏民兮永未央

闕刊

鹿嘯嘯兮

闕二字

庭文樂樂兮

闕三字

飲清泉兮

闕三字

見

闕

伏兮不駭驚惟

公德兮之所寧上陵廟兮助三牲天時和兮甘露冷日

番闕兮無虧傾

闕二字

蜚兮朱鳥棲

闕二字

榮兮鳴喑喑

戴鵠勦兮乳徘徊給御卯兮獻于西惟公德兮之所懷

闕刊池水

闕

兮釣臺祭四角樓兮臨深澗魚岌岌兮踊躍

見振鱗尾兮游盱盱時釣取兮給享獻惟公德兮之所

行

闕刊

栗蕭卅兮藜鋪陳新美萌兮香苾芬蕙草生兮蒲

園田競苔茗兮給萬錢惟公德兮之所

闕二

門堂鬱兮

文耀光公神赫兮坐東方明暴視兮儼

闕刊

印夫人

闕女

兮列在旁陳君靈北兮從官

闕

車騎駱驛兮交錯重乘

輓軺兮駕蜚龍驂白鹿兮從仙僮游北嶽兮與天通

闕刊

玄碑既立雙闕建兮

闕四

大路畔兮亭長閭

闕二

扞難

兮列種槐梓方茂爛兮天下遠近

闕

不見兮公神日著

聲洞漏兮

闕二

乾川傳億萬兮

臨犂陽營謁者豫章南昌李朝伯丞左馮翊夏陽趙寵

德雅朝歌長潁川陽城鄭栢伯林左尉京北

下闕水二闕

字陽里郭虞子

下闕

扶風安陵

闕二

邵公虞士魏郡

闕

封闕仲舉虞士魏郡犂陽

闕四字

隸釋云朝歌長鄭栢為張公建闕作碑銘勒神懿監
黎陽營謁者李君好鄭之文既徹俸佐工又作歌九
章刻之適雅可觀中再稱其夫人不知張公何神也
○碑以棊為淇涿摩為琢磨勦為巢僮為僮漏為編
盈為盈蔑即薦字宥即宋字从水之字皆作篆文○
案集古錄張公廟碑文字殘滅僅成文者惟和平元
年正月丙寅國無灾寇屢復豐年作歌九章頌公德
芳其辭云公與守相云云洪氏去歐陽歲頗久乃此

碑亦成文者尚多也

漢德

漢德為字
亡其名

析里橋郝閣頌

天下碑錄云仇
子長書名紳

惟斯析里霞漢之右
饒源漂疾橫柱于道
涉秋霖澆盆溢闕
涌濤波滴沛激揚絕
道漢水遂讓稽滯商
路當

二州經用衿沮沮縣
士民或給州府休謁
往還恒共日畧行理
咨嗟郡縣所昔斯谿
既然郝閣尤甚緣崖
鑿石霞隱定柱臨深
長淵三百餘丈接木
相連踰為萬柱過

者慄慄載棄為關常車迎布歲數千兩遭遇隕納人物

俱陷沈沒洪淵酷烈為禍自古迄今莫不創楚於是大

守漢陽阿陽李君諱翕字伯都以建寧三年二月辛巳

到官思惟惠利有以綏濟聞此為難其日久矣嘉念高

帝之開石門元功不朽乃俾衡官掾下拜仇審改解危

殆即便求隱析里大橋於今乃造校致致堅關五巧

雖昔魯班亦莫擬象又醜散關之嶮潔從朝陽之平燧

減西關高閣就安寧之石道禹奠五河以靖四海經

記厥績艾康萬里臣

闕三

勒石不後乃作頌曰

闕四

降茲惠君克明俊德允武允文躬儉尚約化流若

神燧岷如

闕三

平均精通皓穹三納符銀所歷垂勲香

風有隣仍致瑞應豐稔

闕五

樂行人夷欣慕君靡已乃

詠新詩

闕四

子川允之間高山崔嵬子水流蕩蕩地既培确子

與寢爲隣

闕六

以析分或共緒業子至丐困貧危危累

卯子聖朝閔憐毳艾究

闕

子秀

闕五

救傾子全育

闕遺

劬勞日稷子惟惠勤勤黃邵朱龔子蓋禾關四充贏子

百姓歡欣僉曰大平子文翁復存

建寧五關二月十八日癸下

時衡官關三仇審字孔信

從史位關四字漢德爲此頌

故吏下關三字長書此頌

時石陟南關四威明隸釋云歐公謂遭遇隕納及醜散

而莫詳其義或是用字假借案碑言闕道危殆車乘往還人物俱墮則隕納謂墜淵也爇即燥字醜與釋同太

史公書皆然楊著碑醜榮投黻景君碑農夫醜耒之類是也其云劬勞日稷蓋用穀梁子日下稷之文靈臺費鳳碑亦有之○碑以橫柱為橫注盆溢為溢溢行理為行李厥續為厥續崔嵬為崔嵬禍即禍字○董道廣川書跋云案鼎古文顯字潔川漢作顯讀謂川在平濕書學古文至今同古文字濕作𦉳又作濕故漢人濕又作累然則潔當作濕燥古文作𦉳蓋累與𦉳同體其言醜則與易同卜用醜亦易也至謂遭遇墮納則以傾墮地壞自納于淵漢文用字本古也鼎按楊用脩云峭潔謂潮濕言去濕就燥也至云潔本濟潔之潔借作濕字恐未然據跋則潔字當從澁寫即濕矣首誤寫田耳隸釋注峭潔云歐作峭誤余謂峭言險潔即濕觀下對平燥可知蓋醜險濕而徙平燥也從峭為是

養照

廣野君廟碑

水經注延熹六年十二月雍丘令董生仰餘徽于千載遵茂美于絕

代命縣人萇照為文用章不朽之德其略云

輟洗分餐諮謀帝猷陳鄭有涿鹿之功海岱無牧野之戰大康華夏綏靜黎物生民以來功盛莫崇

魯叡

漢故司隸校尉忠惠父魯君碑

并陰○鄭樵金石略碑錄並作

蔡邕

書

君諱峻字仲巖山陽昌邑人其先周文公之碩胄

闕二

伯禽之懿緒以載于祖考之銘也君則臨營謁者之孫
脩武令之子體純齎之德秉仁叢之操治魯詩兼通顏
氏春秋博覽羣書臝物不桀學為儒宗行為士表漢

闕

始住佐職牧守敬憚恭儉州里歸稱舉孝廉除郾中謁
者河內太守丞喪父如禮辟司徒府舉高第侍御史東
郡項立今視事四乖比縱豹產化行如流遷九江太守
闕殘酷之刑行循吏之道統政闕載躅若清風有黃霸
召信臣在潁南之歌呂公事去官休神家術未能一替

為司空王暘所舉徵拜議郎太尉長史御史中丞延熹
七年二月丁卯拜司隸校尉董督京輦掌察羣寮調納
舉大權然䟽發不為小威自濟其仁彊中獨斷自效其
節案奏闕公彈紕五卿考夏衽肅佞穢者遠遭母憂自
乞拜議郎服竟還拜屯騎校尉自病遜位守䟽廣止足
之計樂於陵灌園之業閉門靜居珽書自娛年六十一
熹平元年闕月癸酉卒明年四月庚子葬於是門生汝
南干闕沛國丁宜魏郡馬萌勃海呂圖任城吳盛陳留

誠屯東郡夏侯等三百廿人追惟在昔游夏之徒位
謚宣尼君事帝則忠臨民則惠乃昭告神明謚君白忠
惠父息馭不才弱冠而孤承堂弗構斯薪弗何悲蓼叢
之不報痛昊天之靡嘉頓企有紀能不號簷刊石叙哀
其銘曰

巖巖山岳礪落彰較棠棠忠惠令德孔爍命闕時生稚

度弘緯允文允武厥姿烈連內懷溫潤外撮強虞督司

京帥黜然清邈當闕緄職為國之權匪究南山遐邇切

劉凡百君子欽謚嘉樂永傳畜齡喚矣的的

隸釋云水經亦載此碑但誤名恭歐陽公云峻遭母憂自乞拜議郎又最後為屯騎而碑首題以司隸二者莫曉予嘗考漢代風俗相承雖丁私難亦多以日易月鮮有執喪三年者故元初詔書始聽大臣二千石行三年喪肅宗時越騎校尉桓郁以母憂乞身詔公卿議皆以郁身為名儒學者之宗可許之詔聽以侍中行服漢人所書碑誌或以所重之官揭之司隸權尊而秩清非列校可比亦猶馮緄舍廷尉而用車騎也周官注云義儀二字古皆音俄詩以實惟我儀協在彼中河樂且有儀協在彼中阿太元亦以各遵其儀協不偏不頗左傳音蛾亦作儀徐廣音儀船作俄漢文凡蓼莪皆作蓼儀此碑又作蓼義銘詩煥矣灼灼俱易火以日令德孔鑠又復从女若堂堂作棠棠則它碑亦有之碑以棗為看縱為蹤斫為析緄為

來畜為億便即儒字納即細字絜即
潔字珽即琴字蒼即嗟字處即虐字

魯峻碑陰

故吏河內

闕一字

官

闕一字

幼流

闕三字

故吏九江壽春陳龔

伯

闕一字

五百故吏九江壽春任

闕一字

孝長五百故吏東

郡領兵許踰伯通五百門生沛國丁良

闕一字

榮千門生

勃海

闕二字

呂

闕一字

世階千門生東郡汝陽敢敦登高千

門生汝南召陵千商明公五百門生南陽新野

闕一字

顥

文

闕一字

五百門生平原

闕一字

路龍顯公五百門生任

闕一字

樊兒字闕一 太平五百門生平原樂陵路福世輔三百

門生魏郡字闕一 丘李牧君伯三百門生魏郡繁陽王輔

子助三百門生河東郡字闕一 陽字闕二 文智三百門生汝

南汝陽郡立字闕三 三百門生東郡字闕一 邑字闕三 松二百

門生東郡字闕一 平字闕四 二百門生東郡樂平字闕一 顯字闕二

二百門生東郡樂平字闕四 二百門生魏郡內黃字闕四

二百門生東郡字闕一 陽王字闕一 少字闕一 二百門生汝南

瀝強尹稜字闕二 二百門生汝南瀝強尹顥字闕二 二百門

生勃海南皮劉扶節

闕一

二百門生勃海南皮劉盛興

闕二

二百門生河間阜成東鄉晨子

闕一

二百門生河

間阜成東鄉恭公二百門生平原西平昌劉本景

闕一

二百門生平原張謙伯讓二百門生陳留尉氏夏統子

思二百門生濟陰陳氏許仁伯德二百門生濟陰

闕一

孤周維元興二百義士梁國寧陵及強強良二百

都穆金薤琳瑯魯峻碑陰歐陽公趙明誠皆失收錄
至洪丞相隸釋於漢碑搜羅殆盡而亦復遺焉予家

此碑不特人間少有且文字
粗完可讀惜不令三公見之

郭蒼

字伯起曲紅人荊州從事○歐陽集古錄引
韶州圖經周府君廟在樂昌縣西武漢上碑

在廟中

郭蒼文

神漢桂陽太守周府君功勳之紀銘

隸額
并陰

桂陽大守周府君者徐州下邳人也諱憬字君光體性

敦仁天姿薦厚行興閨門名闕州里舉孝廉拜尚書侍

郎遷汝南固始相遂拜桂陽廼宣魯衛之政敷二南之

澤政以德綏化猶風騰撫集烝細闕綏有方進則貞直

退則錯枉崇舉濟濟吉土士充朝招訓闕蒙開誘六蔽

君子道長小人道消信感神祇靈瑞符闕嘉穀生於豎

竒草像萑蒲異相之樹超然連理於此闕時邦域惟寧

郡又典與南海接比商旅所臻自瀑亭至平曲紅壹由

此水其水源也出於王禽之山山蓋隆闕三字弓天泉肇

沸踊發射其顛分汜離散為十二川彌陵隳阻立阜錯

連隅陬塵藹末由騁焉爾乃貫山鑛石經闕四字揚爭怒

浮沈潛伏虵龍蝓屈澧隆鬱泡千渠萬澮合聚谿澗下

迄安甌六瀧作難湍瀨漁漁泣云潺湲雖詩稱百川沸

騰高岸為谷深谷為陵蓋莫若斯天軌所經惡得已改

其下注也若奔車失轡狂牛無廐闕勿流忽臚睦不相

知及其上也則羣輩相隨檀柁提闕唱號慷慨沈深不

前其成敗也非徒喪寶玩墮珍竒替珠貝汩象犀也往

古來今變甚終矣於是府君乃思夏后之遺訓闕應龍

之畫傷行旅之悲窮哀罔人困危感蜀守冰殄絕犁隄

嘉夫昧淵用永夷易廼命良史俟帥壯夫排積膝石投

之窾闕二高填下鑿截回曲弼水之邪性順渠其經脈

斷破溢之電波弱陽侯之汹涌由是小篔乃平直大道
允通利抱布質絲交易而至升涉周旋功萬於前除昔

闕二

樹墓於茲雖非龍門之鴻

鴻字

績亦人君之德宗故

胎

胎字

人嘆於水渚行旅語於涂陸孔子曰禹不決江踈

河吾其魚矣於是熹平三季歲在攝提仲冬之月曲紅

長零陵重安區祉字景賢遵承典圖宣揚德訓帥禮不

越欽仰高山乃與色子故吏龔臺郭蒼龔雒等命工擊

石建碑于瀧上勒銘公功傳之萬世垂示無窮其辭曰

乾以剖兮建兩儀劉果分兮有險夷咨中獄兮穆崔嵬
嘆衡林兮獨傾虧增峻峭兮甚隘陁鮪莫涉兮禹不規
仰王禽兮又崒峴俯瀧淵兮怛以悲岸叅天兮無路徯
石縱橫兮深洄洄波隆隆兮聲若雷或抱債兮以從利
或追恩兮有赴義汜自楫兮有不避闕躬軀兮於玄池
委性命兮於芒緇憊寒慄兮不皇計忽隨深兮殆忘歸
懿賢后兮發聖英字開不通兮治斯谿慶臣石兮以湮
填開切促兮導曲機摧六瀧兮弱闕兮散其波

威怒定兮混瀾瀾息聊啾兮逝

闕

兮蛟龍臧陸

老唱兮臚人歌名罔卉兮闕超踰倫今稱闕兮耀深沙

功斐斐兮鏡海裔君考君壽不訾

隸釋云樂史寰宇記云瀧上有太守周昕廟今碑在韶州張九齡廟中其名尚隱隱可辯蓋憬字也○碑以壅藹為壅遏犁雖為犁堆小徑路後皆為蹊

周憬碑陰

故曲紅長零陵重安區祉字景賢故舍淮長南郡郎蒼

陸字闕夏故涇陽守長南平丞長沙漢昌塞祗字宣節

故行事禾陽攀夏字漢威故荊州從事曲紅龔臺字少
謙故荊州從事曲紅郭蒼字伯起故荊州從事柳王鼎
字季尼故南部督邳曲紅龔雒字闕然故吏曲紅鄧音
字孝直故吏曲紅朱騰字義德故吏曲紅張源字子才
故吏曲紅龔達字封通故吏曲紅黃部字封尼故吏曲
紅周蓋字伯嘗故吏曲紅黃晏字子齊故吏曲紅馬珪
字元序故吏曲紅潭承字寧升故吏曲紅劉鵠字季產
故吏曲紅黃祺字封仁故吏曲紅周習字仲鸞故吏曲

紅劉越字子省故吏郴褚禧字

闕

讓故吏禾陽蔡

闕字

己明故湏陽左尉零陵泉陵

闕字

三故吏湏陽劉明字仲

闕

故吏湏陽左勝字仲升故吏湏陽左龢字妙舉故吏

湏陽宋碩字子張故吏舍淮堯禹字公制故吏舍淮張

邵字寧威故吏舍淮黃詳字伯節工陟南陽宛王選字

子彊

隸釋云曲紅兩漢書皆作曲江唯水經云縣昔號曲紅山之名也

卜盾

漢故堂邑令費君之碑

篆額

惟熹平六丰歲格考大流无射之月堂邑令費君寢疾
卒烏呼哀哉於是夫人元弟故

闕三字

守卜循追而誄之

其辭曰

君體履柔酥温其如玉清孝友考閨闕執忠蹇於王室
立迹州郡仕更右職舉直措枉彊齋闕 儷貢孝三署勛
譽有則出宰近甸民懷厥德色斯輕翔翻然高絜王人

述職分

闕

班爵台

闕二字

招助鼎調物還已進弟不簡榮

祿栖遲歷稔項領滯畜彰土平庭黔民作卣命君

闕二

政化

闕

行從善遷恩三暮

耕

致道有毗且格收用旌功

轉左堂邑垂拱不言而民帥伏三時之間卒以闕洽旻

天不弔命也早歿春秋六十六黎儀瘁傷泣涕連瀉豈

愛我躬命不可贖臨終迷

闕三

內蒞祖業良田畝亘一

金推子弟息辭位讓則行義高邨卓不可及名實相副

有始有卒

闕二

人善應考切惻

故吏故郵施業字世堅義民堂邑岱忠忠事十有一慈

考早隕喪以備於禮制蓬首而闕三壞而消辟地闕三

行母氏以闕四而悼傷服闕菲五又練杖其未除廣陵

之郡守東海闕二聞寢疾而終率凡百普悲闕四嗣化

比屋之餘慶隨闕棺柩車良以而送之祖載已畢訖還

返其故鄉君闕其節操悲其有闕二每以闕五其老親

忠闕君庠德念君之仁恩聞君之隕隧剝斷而丰酸復

截練麻杖闕君之柩棺扶號而竭闕泣涕其闕八甫於

岐山闕二其從之迷君而到冢上書而慶厲君盡禽息

之

闕三字

君之

闕三字

君

闕三字

三

闕七字

於山

闕

列種嘉奇樹特

為之潤鮮忠業與

闕二字

猶君恩使然雖君有大化孰能

爾者難子垂之終

闕三字

思其顏而

闕

死可贖不愛

闕三字

人今君

闕

於彼卓譎而超倫吏民慕高蹤來者其如雨

偉名建勝石垂示於

闕二字

門下功曹徐侃字元節主簿呂嘉字元

闕

主史陳信字

聖舉主記史

闕

忠字達臺門下游激

闕二字

字林騰門下

賊曹

闕二字

字聖臺門下史曹助字仲臺

闕

吏呂常字孝

讓從掾位徐超字元貴

隸釋云黎儀瘁傷孔宙碑亦云乃綏三縣黎儀以康黎則黎老

之稱儀則讀如旄倪之倪也誅之後載施業戚忠二人竭力送終之事其辭皆五言石磨滅文不相屬非五五者居喪菲食二十五日也岐山者其地名其後有門下功曹題名者九人○碑以執為執格于大荒有恥且格皆不從木

石勛

費鳳別碑

君暘家中孫曰陵石勛字子才載馳載驅來奔于喪庭
肝確意悲感切傷心瞻彼碑誅懷之好音司馬墓蘭相

南窗復白挂仰之以彌高鑽之而彌堅不堪哀且思叙
詩之一篇庶逸昔子夏起夫子之所言其辭曰

君諱鳳字伯蕭梁相之元子九江太守之長兄也世德
籠爵鉅焚相亞倏遐祖之鴻軌拓前代之休蹤邈逸越
而難繼非羣愚之所頌仁義本於心慈孝著於性言不
共莖術行不越矩度清潔暎爾溼而不滓恤憂矜厄施
而不記由近及遠靡不覆載故能闡令名而雲騰揚盛
聲而風布踐郡右職三貢獻計辟州式部忠以衛上漢

安二車吳郡太守東海郭君以君有透蛇之節自公之
操丰世一舉孝廉拜郎中除陳國新平長神化風靡惠
以流下靜而為治匪煩匪擾乾乾日禩矜此黔首功成
事就色斯高舉宰司委職位思賢以自輔玄懃守謙壹
白駒以滂隍丹陽有越寇浸闕四命君討理之試守故
鄣長蓋危亂有不讓又畏此之闕二而闕牧爰止
其師旅鳩若飛鷹鷄錦若夫墟席彊者綏以德弱者以
仁撫蘭在上帝心功訕而特紀輔輿宰棠邑暮月而致

道視

闕四

遂據弓卿尹中表之恩情兄弟與甥甥鳩與

女蘭性樂松之茂好聞君顯令名舉宗為歡喜不恪奄

忽終藏形而匿景耕夫釋耒耜乘婦投鉤宮道阻而且

長望遠淚如雨英馬循大路塞裳而涉洧悠悠歌黍離

思黃鳥集于楚悃悃之臨內選君於厚土嗟嗟悲且傷

每食

闕

不絕夫人薦舊好不以存亡改文平感渭陽悽

愴益以甚諸姑咸辟踊爰及君伯姊孝孫字元宰生不

識考妣追惟厥祖恩蓬首斬纒杖世所不能為流稱於

鄉黨見吾若君存剥裂而不已壹別會無期相去三千里絕翰永忼慨泣下不可止

隸釋云勳詩先叙世系歷官繼以韻語六十句其三句六言餘皆五言石君蓋鳳之中表也費氏父子三碑不知者指此為碑陰其中塗而不泮蓋用涅而不緇鳩若飛鷹鷂歸若夫虓虎蓋用駘彼飛隼闕如虓虎其字有不同若非假借則是傳授異也○碑以確為摧以遷為幾以透蛇為委蛇以彘為逐以基為替以辟為叶

樊毅 字仲德射陽侯丹之後

掾臣條屬臣準書佐臣謀弘農太守上祠西嶽

乞差一縣賦發復舉下十里以內民租田口筭

狀

光和二年十二月庚午朔十三日王十弘農大守臣毅
頓首死罪上尚書臣毅頓首頓首死罪死罪謹案文書
臣以去元年十一月到官其十二月奉祠西嶽舉山省
視廟舍及齋衣祭器率皆久遠有垢故魯不脩大室春
秋作譏臣以神嶽至尊宜加恭肅輒遣行事荀斑與舉
陰令先讜以漸繕治成就之後仍雨甘雪澱潤宿麥惠

滋菴庶臣即日以詔書齋祠雪未消澤時日清和神歡
民喜誠聖朝勞神日異廣被四表覆毓之德神人被施
遐邇大小莫不牽甚臣毅頓首頓首死罪死罪謹又書
言縣當孔道加奉尊嶽一歲四祠養牲百日常當充肥
用穀橐三千餘斛或有請雨齋禱役費兼倍每被詔書
調發無差山高聽下恐近廟小民不堪役賦有飢寒之
窘違宗神之敬乞差諸賦復舉下十里以內民租田口
莧以寵神靈廣祈多福隆中興之柱臣輒聽行盡力奉

宣詔書思惟惠利增異復上臣毅誠惶誠恐頓首頓首

死罪死罪上尚書

此碑勅為黎澹為漸前漢志注云三輔黃圖漸臺亦作澹

李壽長

上瞻察長吏奏

壽長為青州刺史其所經歷它州縣瞻察守牧長吏治政優劣

上言

臣以為政一流雖非所部夫東家有犬不忍見西家之
有鼠臣之所見敢不以聞

謝承後漢書

范延壽

上言延壽為廷尉燕趙間有三男共一妻生四子後爭訟延壽上言奏免太尉切責三老

無師道

男子貴信婦人貴貞今三男一女比之禽獸生子逐母

宜以四子還母尸三男子於市傅子

杜真

奏舉孝廉事北堂書鈔

今諸國舉孝廉即古之貢士也三年考德道藝之士于

王再拜受之

李固

與弟固

風俗記曰華陽黑水惟梁州漢元朔二年改
梁曰益州以新啓捷為牂牁越雋州之疆壤
益廣故稱益云初治廣漢之雒
縣後乃徙此故固與弟固書

固今年五十有七鬢髮已白所謂容身而游滿腹而去
周觀天下獨未見益州耳昔嚴夫子嘗言經有五涉其

四州有九游其八欲類此子乎

水經注○王云此非李
太尉也太尉益州人年

五十四鼎按獻帝起居注帝遣中郎將李固持節
拜李傕為大司馬則又一李固矣未詳此復為何

劉廣世

七興

子康子有疾王先生往焉曰駿壯之馬惰不征路其荷
衡也躍似驚禽其即行也暈若遊鷹颺駭風逝雷發波
騰影不及形塵不暇興

趙壹

非草書

余郡士有梁孔達姜孟穎者皆當世之彥哲也然慕張

生之草書過于希顏孔焉孔達寫書以示孟頫皆口誦其文手楷其篇無怠倦焉於是後學之徒競慕二賢守令作篇人撰一卷以為祕玩余懼其背經而趨俗此非所以弘道興世也又想羅趙之所見嗤沮故為說草書本末以慰羅趙息梁姜焉竊覽有道張君所與朱使君書稱正氣可以消邪人無其疊妖不自作誠可謂信道抱真知命樂天者也若夫褒杜崔沮羅趙忻忻有自臧之意者無乃近於矜伎賤彼貴我哉夫草書之興也其

於近古乎上非天象所垂下非河洛所吐中非聖人所
造蓋末之末刑峻網密官書煩冗戰攻並作軍書交馳
羽檄分飛故為隸草趣急速耳示簡易之指非聖人之
業也但貴刪難省煩損複為單務取易為易知非常儀
也故其讚曰臨事從宜而今之學草書者不思其簡易
之旨直以為杜崔之法龜龍所見也其擡扶柱桎詰屈
友乙不可失也亂齒以上苟任涉學皆廢倉頡史籀競
以杜崔為楷私書相與庶獨就書云適迫遽故不及草

草本易而速今反難而遲失指多矣凡人各殊氣血異筋骨心有疎密手有巧拙書之好醜在心與手可強為哉若人顏有美惡豈可學以相若耶昔西施心疼捧胃而顰衆愚效之祇增其醜趙女善舞行步媚盪學者弗獲失節匍匐夫杜崔張子皆有超俗絕世之才博學餘暇遊手于斯後世慕焉專用為務鑽堅仰高忘其罷勞夕惕不息仄不暇食十日一筆月數丸墨領袖如皂唇齒常黑雖處衆坐不違談戲展指畫地以草劇壁臂穿

皮刮指爪摧折見腮出血猶不休輟然其為字無益于
工拙亦如效顰者之增醜學步者之失節也且草書之
人蓋伎藝之細者耳鄉邑不以此較能朝廷不以此科
吏博士不以此講試四科不以此求備徵聘不問此意
考績不課此字徒善字既不達于政而拙草無損于治
推斯言之豈不細哉夫務內者必闕外志小者必忽大
俯而捫虱不暇見地仰而觀蟻不暇見天天地至大而
不見者方銳精于蟻虱乃不暇焉第以此篇研思銳精

豈若用之於彼七經稽厯協律推步期程探賾鈎深幽
贊神明鑒天地之心推聖人之情析疑論之中理俗儒
之諍依正道於邪說儕雅樂於鄭聲興至德之和睦弘
大倫之玄清窮可以守身遺名達可以尊主致平以茲
命世永鑒後生不以淵乎

趙爽

字君卿○宋鮑澣之序云崇文總目及李籍
周髀音義皆云趙君卿不詳何代人孝序文

渾天有靈憲之文靈憲乃張衡所作
則君卿其亦魏晉間人乎今本作漢

周髀算經序

夫高而大者莫大於天厚而廣者莫大於地體恢弘而廓落形脩廣而幽清可以玄象課其進退然而宏達不可指掌也可以晷儀驗其長短然其巨闊不可度量也雖窮神知化不能極其妙探賾索隱不能盡其微是以詭異之說出而兩端之理生遂有渾天蓋天兼而並之故能彌綸天地之道有以見天地之賾則渾天有靈憲之文蓋天有周髀之法累代存之官司是掌所以欽若昊天恭授民時爽以暗蔽才學淺昧鄰高山之仰止慕

景行之軌轍負薪餘日聊觀周髀其指約而遠其言曲
而中將恐廢替濡滯不通使談天者無所取則輒依經
為圖誠冀頽毀重仞之墻披露堂室之奧庶博物君子
時迴思焉

楊孚

後漢時議郎著交州異
物志異物志見隋書

鮫魚贊

異魚圖贊引交州異物志舊贊○鼎按
物產之紀若後漢楊孚交州異物志吳

萬震南州異物志隋沈瑩臨海水土異物志
諸書敘述多韻語楊用脩異魚圖贊及丹鉛
錄紀物產率裁以為贊實非其倫
也注云舊贊亦無的據今聊附之

鮫之為魚其子既育驚必歸母還入其腹小則如之大則不復

鮫魚贊

異魚圖贊引異物志舊贊○案隋志楊孚別有異物志而太平御覽載此云異

物記亦不言贊

鮫實四足而有魚名頭尾類鯢岐岐而行長生山澗出入沉浮云是嬾婦怨懟自投

梁夫人媼

上和帝訟梁貴人書

媼梁竦之長女南陽樊調之妻孝和皇帝之媵恭懷

皇后之同產姊也初竦有三男三女肅宗納二女為貴人小貴人生和帝竇皇后養以為子諸竇恐梁氏得志遂諧殺二貴人而陷竦等以惡逆竦考死獄中家屬徙九真及和帝立永元九年竇后崩諸竇以罪誅放竦兒子扈遣從兄禮奏記三輔以為梁貴人親育聖躬不蒙尊號求得申議媼從民間上書自訟帝乃引見留止宮中媼素有行操加號梁夫人擢樊調為羽林左監尊貴人恭懷皇后封竦為褒親愍侯並封其三子

妾同產女弟貴人前充後宮蒙先帝厚恩得見寵幸皇天授命誕生聖明而為竇憲兄弟所見譖訴使妾父竦寃死牢獄骸骨不掩老母孤弟遠徙萬里獨妾遺脫逸

伏草野常恐沒命無由自達今遭值陛下神聖之運親
統萬機羣物得所憲兄弟姦惡既伏辜誅海內曠然各
獲其宜妾得蘇息拭目更視乃敢昧死自陳所天妾聞
太宗即位薄氏蒙榮宣帝繼統史族復興妾門雖有薄
史之親獨無外戚餘恩誠自悼傷妾父既寃不可復生
母氏年殊七十及弟棠等遠在絕域不知死生願乞收
竦朽骨使母弟得歸本郡則施過天地存歿幸賴

曹大家班昭

字惠班一名姬扶風曹世叔妻司空
掾班彪之女博學高才世叔早卒有

節行法度和帝詔續兄固漢書八表及天文志
召入宮令皇后諸貴人師事焉號曰大家所著
賦頌銘誄問注哀辭
書論疏令十六篇

上和帝請徵兄超還書

超在西域三十餘歲上疏乞歸昭亦書請超和

帝乃徵

超還

妾同產兄西域都護定遠侯超幸得以微功得蒙重賞
爵列通侯位二千石天恩殊絕誠非小臣所當被蒙超
之始出志捐軀命冀立微功以自陳効會陳睦之變道
路隔絕超以一身轉側絕域曉譬諸國因其兵衆每有

攻戰輒為先登身被金夷不避死亡賴蒙陛下神靈且
得延命沙漠至今積三十年骨肉生離不復相識所與
相隨時人士衆皆已物故超年最長今且七十衰老被
病頭髮無黑兩手不仁耳目不聰明扶杖乃能行雖欲
竭盡其力以塞報天恩迫于歲暮犬馬齒索蠻夷之性
悖逆侮老而超旦暮入地久不見代恐開姦宄之源生
逆亂之心而卿大夫咸懷一切莫肯遠慮如有卒暴超
之氣力不能從心便為上損國家累世之功下棄忠臣

竭力之用誠為可痛也故超萬里歸誠自陳苦急延頸
踰望三年于今未蒙省錄妾竊聞古者十五受兵十六
還之亦有休息不任職也緣陛下以至孝理天下得萬
國之歡心不忘小國之臣况超得備侯伯之位故敢觸
死為超求哀乞超餘年一得生還復見闕庭使國永無
勞遠之慮西域無倉卒之憂超得長蒙文王葬骨之恩
子方哀老之惠詩云民亦勞止迄可小康惠此中國以
綏四方超有書與妾生訣恐不得相見妾誠傷超以壯

年竭忠孝於沙漠疲老則便捐死於曠野誠可哀憐如
不蒙救護超後有一旦之變冀幸超家得蒙趙母衛姬
先請之貸妾愚戇不知大義觸犯忌諱

上鄧太后論鄧騭乞身疏

永初中太后兄大將軍鄧騭以母憂上書

乞身太后不欲許以問昭昭因上疏太后從而許之於是騭等各還里第焉

伏惟皇太后陛下躬盛德之美隆唐虞之政闢四門而
開四聰采狂夫之瞽言納蒞莖之謀慮妾昭得以愚朽
身當盛明敢不披露肝膽以効萬一妾聞謙讓之風德

莫大焉故典墳述美神祇降福昔夷齊去國天下服其廉高太伯違邠孔子稱為三讓所以光昭令德揚名於後者也論語曰能以禮讓為國於從政乎何有由是言之推讓之誠其致遠矣今四舅深執忠孝引身自退而以方垂未靜拒而不許如後有毫毛加於今日誠恐推讓之名不可再得緣見逮及故敢昧死竭其愚情自知

言不足采以示蟲螳之赤心

四舅謂隲
懼弘閭

女誠七篇

昭作女誠七篇有助內訓馬融善之
今妻女習焉女妹曹豐生亦有才惠

為書難之辭有可觀文心雕

龍云班昭家誠足為女師

鄙人愚暗受性不敏蒙先君之餘寵賴母師之典訓年
十有四執箕箒於曹氏於今四十餘載矣戰戰兢兢常
懼黜辱以增父母之羞以益中外之累夙夜劬心勤不
告勞而今而後乃知免爾吾性疎頑教導無素恒恐子
穀負辱清朝聖恩橫加猥賜金紫實非鄙人庶幾所望
也男能自謀矣吾不復以為憂也但傷諸女方當適人
而不漸訓誨不聞婦禮懼失容它門取恥宗族吾今疾

在沉滯性命無常念汝曹如此每用惆悵間作女誡七章願諸女各寫一通庶有補益裨助汝身去矣其勗勉之

卑弱第一

古者生女三日卧之床下弄之瓦磚而齋告焉卧之床下明其卑弱主下人也弄之瓦磚明其習勞主執勤也齋告先君明當主繼祭祀也三者蓋女人之常道禮法之典教矣謙讓恭敬先人後己有善莫名有惡莫辭忍

辱含垢常若畏懼是謂卑弱下人也晚寢早作勿憚夙
夜執務私事不辭劇易所作必成手迹整理是謂執勤
也正己端操以事夫主清靜自守無好戲笑潔齊酒食
以供祖宗是謂繼祭祀也三者苟備而患名稱之不聞
黜辱之在身未之見也三者苟失之何名稱之可聞黜
辱之可遠哉

是謂卑弱後漢書無是謂二字

夫婦第二

夫婦之道參配陰陽通達神明信天地之弘義人倫之

大節也是以禮貴男女之際詩著關雎之義由斯言之不可不重也夫不賢則無以御婦婦不賢則無以事夫夫不御婦則威儀廢缺婦不事夫則義理愆闕方斯二事其用一也察今之君子徒知夫婦之不可不御威儀之不可不整故訓其男檢以書傳殊不知夫主之不可不事禮儀之不可不存也但教男而不教女不亦蔽于彼此之數乎禮八歲始教之書十五而至于學矣獨不可依此以為則哉

禮義一作義理

敬順第三

陰陽殊性男女異行陽以剛為德陰以柔為用男以強為貴女以弱為美故鄙諺有云生男如狼猶恐其虺生女如鼠猶恐其虎然則修身莫如敬避強莫如順故曰敬順之道婦之大禮也夫敬非他持久之謂也夫順非它寬裕之謂也持久者知止足也寬裕者尚恭下也夫婦之好終身不離房室周旋遂生媒黷媒黷既生語言過矣語言既過縱恣必作縱恣既作則侮夫之心生矣

此由於不知止足者也夫事有曲直言有是非直者不能不爭曲者不能不訟訟爭既施則有忿怒之事矣此由不尚恭下者也侮夫不節譴呵從之忿怒不止楚撻從之夫為夫婦者義以和親恩以好合楚撻既行何義之存譴呵既宣何恩之有恩義既廢夫婦離矣

存一作有離矣

書作
離行

婦行第四

女有四行一曰婦德二曰婦言三曰婦容四曰婦功夫

云婦德不必才明絕異也婦言不必辯口利辭也婦容不必顏色美麗也婦功不必功巧過人也清閒貞靜守節整齊行已有恥動靜有法是謂婦德擇辭而說不道惡語時然後言不厭于是謂婦言盥澆塵穢服飾鮮潔沐浴以時身不垢辱是謂婦容專心紡績不好戲笑潔齋酒食以奉賓客是謂婦功此四者女人之大德而不可乏者也然為之甚易唯在存心耳古人有言仁遠乎哉我欲仁而仁斯至矣此之謂也

功巧一作工巧澆一作洗酒食一作

酒肉

專心第五

禮夫有再娶之義婦無二適之文故曰夫者天也天固不可逃夫固不可離也行違神祇天則罰之禮義有愆夫則薄之故女憲曰得意一人是謂永畢失意一人是謂永訖由斯言之夫不可不求其心然所求者亦非謂佞媚苟親也固莫若專心正色禮義居潔耳無塗聽目無邪視出無冶容入無廢飾無聚會羣輩無看視門戶

此則謂專心正色矣若夫動靜輕脫視聽陝輸入則亂髮壞形出則窈窕作態說所不當道觀所不當視此謂不能專心正色矣

曲從第六

夫得意一人是謂永畢失意一人是謂永訖欲人定志專心之言也舅姑之心豈當可失哉物有以恩自離者亦有以義自破者也夫雖云愛舅姑云非此所謂以義自破者也然則舅姑之心柰何固莫尚於曲從矣姑云

不爾而是固宜從令姑云爾而非猶宜順命勿得違戾
是非爭分曲直此則所謂曲從矣故女憲曰婦如影響

焉不可賞

猶宜一
作猶當

和叔妹第七

婦人之得意於夫主由舅姑之愛已也舅姑之愛已由
叔妹之譽已也由此言之我臧否譽毀一由叔妹叔妹
之心復不可失也皆莫知叔妹之不可失而不能和之
以求親其蔽也哉自非聖人鮮能無過故顏子貴於能

改仲尼嘉其不貳而况婦人者也雖以賢女之行聰哲之性其能備乎是故室人和則諉掩外內離則惡揚此必然之執也易曰二人同心其利斷金同心之言其臭如蘭此之謂也夫嫂妹者體敵而尊恩疏而義親若淑媛謙順之人則能依義以篤好崇恩以結援使徽美顯章而瑕過隱塞舅姑矜善而夫主嘉美聲譽曜于邑隣休光延於父母若夫蠢愚之人於嫂則托名以自高於妹則因寵以驕盈驕盈既施何和之有恩義既乖何譽

之臻是以美隱而過宣姑忿而夫愠毀訾布於中外恥辱集於厥身進增父母之羞退益君子之累斯乃榮辱之本而顯否之基也可不慎哉然則求叔妹之心固莫尚於謙順矣謙則德之柄順則婦之行凡斯二者足以和矣詩云在彼無惡在此無射其斯之謂也

賢女一作婦人

秦嘉

字士會隴西人

與妻徐淑書

隴西秦嘉雋秀之士婦徐淑亦以才美流譽桓帝時嘉為上郡掾其

妻寢疾還家不獲面別嘉以書遣迎淑荅之

不能養志當給郡使隨俗順時俛當去知所苦故爾
未有瘳損想念悒悒勞心無已當涉遠路趨走風塵非
志所慕慄慄少樂又計往還將彌時節念發同怨意有
遲遲欲暫相見有所屬託今遣車往想必自力

藝文類聚○未

有瘳損姚寬西谿叢語作
尚未有瘳風塵作飛塵

徐淑

劉子玄史通云東漢賢明婦人如徐氏動合
禮儀言成規矩毀形不嫁哀慟傷生此才德

兼美者也董祀妻文詞有餘節槩不足蔚宗傳
標列女徐淑不齒而蔡琰見書欲使彤管所載

將安
準的

答夫秦嘉書

知屈珪璋應奉歲使策名王府觀國之光雖失高素皓
然之業亦是仲尼執鞭之操也自初承問心願東還迫
疾未宜抱歎而已日月已盡行有伴劉想嚴裝已辦發
邁在近誰謂宋遠企予望之室邇人遐我勞何如深谷
逶迤而君是涉高山巖巖而君是越斯亦難矣長路悠
悠而君是踐冰雪慘烈而君是履身非形影何得動而
輒俱體非比目何得同而不離於是詠萱草之喻以消

兩家之思割今者之恨以待將來之歡今適樂土優游
京邑觀王都之壯麗察天下之珍妙得無目玩意移往
而不能出耶

未移叢語作惟亟詠萱草之喻作
誦萱草之詠伴列舊作伴例誤

嘉重報妻書

車還空反甚失所望兼叙遠別恨恨之情頗有悵然間
得此鏡既明且好形觀文彩世所希有意甚愛之故以
相與并寶釵一雙好香四種素琴一張常所自彈也明
鏡可以鑑形寶釵可以耀首芳香可以馥身素琴可以

娛耳一云今致好香四種各一斤可以除穢又云今致寶釵一雙價值千金可以耀首又云今奉麝香一斤可以辟惡氣○顧有叢語作顧尤且好作妍媸形作及好香作妙香聞書鈔作頌文彩作文藻世所希有作為世所希

妻又報嘉書

既惠令音兼賜諸物厚顧殷勤出于非望鏡有文彩之麗釵有殊異之觀芳香既珍素琴益好惠異物於鄙陋割所珍以相賜非豐恩之厚孰肯若斯覽鏡執釵情想髣髴操琴詠詩思心成結敕以芳香馥身喻以明鏡鑒

形此言過矣未獲我心也昔詩人有飛蓬之感班婕妤
有誰榮之歎素琴之作當須君歸明鏡之鑑當待君還
未奉光儀則寶釵不列也未侍帷帳則芳香不發也

並藝

文類聚○太平御覽云今君征未
旋鏡將何施明鏡鑒形當待君至

又

今奉金錯盃一枚可以盛書水琉璃盃一枚可以服藥

酒藝文類聚○太平御覽又云今奉旄牛尾拂一枚可
拂塵垢○又奉今往龍虎組織履一緡○又云今奉

細布襪二量○又云今奉嚴器中物
幾具○又云今奉越布手巾二枚

竇玄妻

玄字叔高
平陵人

別夫書

玄狀貌絕異天子使出其妻妻以公主妻悲
怨寄書及歌與玄時人憐而傳之名古怨歌
亦名豔歌○摯虞三輔決錄注云叔高以明
經為郡上計吏朝會數百人叔高儀狀絕衆
天子異其貌以公主妻之叔高時自有妻不
敢以聞方欲迎妻與決未發而詔叔高就第
○王儉褚淵碑漢結叔高
晉姻武子方斯蔑如也

棄妻斥女敬白竇生卑賤鄙陋不如貴人妾日以遠彼
日以親何所控訴仰呼蒼昊悲哉竇生衣不厭新人不

厭故悲不可忍怨不可去彼獨何人而居斯處藝文類聚○古

怨歌云
燿燿白兔東走西
顧衣不如新人不如故

華陽國志漢中士女云杜泰姬南鄭人趙宣妻也生七男七女若元珪稚圭有望五人皆令德其教男也曰中人情性可上下也在其檢耳若放而不檢則入惡也昔西門豹佩韋以自寬宓子賤帶弦以自急故能改身之恒為天下名士戒諸女及婦曰吾之委身在乎正順及其生也恩存于撫愛其長之也威儀以先後之體貌以先後之恭敬以監臨之懃恪以勸之孝順以內之忠信以發之是以皆成而無不善汝曹庶幾勿忘吾法也○按此本非書尺牘刪取教男之語為寄子元珪季珪

蔡琰

字文姬邕女博學有才辨嫁衛仲道夫亡漢末亂為南匈奴左賢王所獲曹操贖嫁董祀

蔡邕石室神授筆勢

邕字伯喈東漢陳留圉人官至右中郎將初入嵩山

學書於石室中得素書八角垂芒寫史籀李斯用筆勢讀誦三年遂通其理嘗居一室不寐恍然一客厥狀甚異授以九勢言訖而沒

蔡琰曰

琰邕之女

臣父造八分時神授筆法曰書肇於自然

自然既立陰陽生焉陰陽既生形氣立矣藏頭護尾力在字中下筆用力獻辭之麗故曰勢來不可止勢去不可遏書有二法一曰疾二曰澁得疾澁二法書妙盡矣夫書稟乎人性疾者不可使之令徐徐者不可使之令

疾筆惟軟則奇怪生焉九勢列後自然無師授而合於
先聖陰陽者結字點畫上皆覆下下以承上遞相映帶
無使反背轉筆左施右顧無使筋節孤露藏鋒點畫出
入之路左先右至迴右亦爾此處脫去藏頭
勢後求而補之護尾點畫
勢盡用力收之疾勢出于啄磔之中又在豎趯之腹掠
筆左出攢鋒峻趯用之澁勢悉在緊馭戰行之法橫鱗
豎勒之規

蔡字傳神授永字八法集論

法書苑云蔡氏神授凡十二訣永字

第五先賢神
授不形紙筆

七咏八磔

八法集論未詳所出廬陵蕭氏

一側
二勒

永

三努
四趯

書譜題曰神人八法洛陽李氏
書法題曰永字八法蕭詳於李

五兼六掠

今從之

南單于屯屠何

上竇太后請討北庭奏

屯屠何章和二年立時
北虜大亂加以飢蝗南

單于將并北庭會章帝崩竇太后臨朝單于
上言太后以示耿秉上言因自陳効用永元
元年以秉為征西將軍與車騎將
軍竇憲出朔方擊北虜大破之

臣累世蒙恩不可勝數孝章皇帝聖恩遠慮遂欲見成
就故令烏桓鮮卑討北虜斬單于首級破壞其國今所
新降虛渠等詣臣自言去歲三月終發虜庭北單于創
刈南兵又畏丁令鮮卑遯逃去依安侯河西今年正
月骨都侯等復共立單于異母兄右賢王為單于其人
以兄弟爭立並各離散臣與諸王骨都侯及新渠帥雜
議方略皆曰宜及北虜分爭出兵討伐破北戍南并為
一國令漢家長無北念又今月八日新降右須日逐鮮

堂輕從虜庭遠來詣臣言北虜諸部多欲內顧但恥自發遣故未有至者若出兵奔擊必有響應今年不往恐復并一臣伏念先父歸漢以來被蒙覆載嚴塞明候大兵擁護積四十年臣等生長漢地開口仰食歲時賞賜動輒億萬雖垂拱安枕慙無報效之地願發國中及諸部故胡新降精兵遣左谷蠡王師子左呼衍日逐王須訾將萬騎出朔方左賢王安國右大且渠王交勒蘇將萬騎出居延期十二月同會虜地臣將餘兵萬人屯五

原朔方塞以為拒守臣素愚淺又兵衆單少不足以防
內外願遣執金吾耿秉度遼將軍鄧鴻及西河雲中五
原朔方上郡太守并力而北令北地安定太守各屯要
害冀因聖帝威神一舉平定臣國成敗要在今年已敕
諸部嚴兵馬訖九月龍祠悉集河上唯陛下裁哀省察

耿秉上言北虜事

附

昔武帝單極天下欲臣虜匈奴未遇天時事遂無成宣
帝之世會呼韓來降故邊人獲安中外為一生人休息

六十餘年及王莽篡位變更其號耗擾不止單于乃畔
光武受命復懷納之緣邊壞郡得以還復烏桓鮮卑咸
脅歸義威震四夷其效如此今幸遭天授北虜分爭以
夷伐夷國家之利宜可聽許

黃巾賊

移曹操書

操領兗州牧擊黃巾賊賊稍折退
乃移書操操設奇會戰戰輒禽獲

昔在濟南毀壞神壇其道乃與中黃太一同似若知道

今更迷惑漢行已盡黃家當立天之大運非君才力所

能存也

魏志○宋書天文志云黃巾賊起云蒼天已死黃天當立此魏氏依劉向自云土德之符也

鮮于冀

鬼

自理表

水經注建武二年西河鮮于冀為西河太守作公廨未就而亡後守趙高計功

用二百萬五官黃秉功曹劉適言四百萬錢冀乃鬼見白日導從入府與高及秉等對共計校定為適秉割匿冀乃書表自理其畧言付高上之車馬皆減不復見秉等伏地物故高以狀聞詔下還冀西河田宅兼為差代以弭幽中之訟

高貴不尚節畝壟之夫而箕踞遺類研密失機婢妾其

性媚世求顯偷竊銀艾鄙辱天官易譏負乘誠高之謂
臣不勝鬼言謹因千里驛聞

劉伯文 鬼

冥中與兒佗書

建安四年武陵女子李娥病死埋城外已十
四日比舍蔡仲聞塚中有聲發出遂活自言
為司命誤名到得遣出過西門適見外兄劉
伯文相勞問以書一封與其兒佗娥乃致伯
文書佗識其紙是父亡時送箱中也書不可
曉詣費長房讀之到期於城南待之果至聞
有呼聲曰佗來汝得我所寄李娥
書不邪因與藥一九辟來年妖厲

告佗當從府君出案行當以八月八日日中時武陵城

南溝中畔頓汝是時必往

干寶搜神記



東漢文紀卷二十七